

Ein schön new  
Lied auff das  
INTERIM

gemacht / tröstlich zu singen / Im  
thon / Wehr in Krieg wil  
zihen / Der muss gerü-  
stet sein.



**W**AS woln wir aber singen / vñ  
 wollens heben an / Gott helff  
 es vns vorbringen ja bringen /  
 Zu seinen ehren schon / zu warnen die  
 arme Christenheyt / Die sich itzt ja  
 mus leyden / in aller Werlet breyt.

Ein Krieg hat sich erhaben / ist  
 yederman erkandt / Gebracht in gro-  
 ssen schaden / Das werde Deudsche  
 Land / Vorhert vorzert ist manchem  
 sein gut / Sein weib vnd kind geschen-  
 det / vorgossen vnschuldiges blut.

Der dis hat angefangen / ist vns  
 fein wol bekant / Wolt Gott er wer er  
 hangē / Bapst Teuffel ist ers genant /  
 Wol wider die arme Christenheyt /  
 Dat er den Keyser erreget / mit seinem  
 geschwornen Eydt.

Den Keyser thut er nützen / vnd  
 nent in seynen Son / Seinen stuel  
 mus er ihm schützen / Darzu die drey-  
 fachtige Kron / des mus entgeltē das  
 Deudsche landt / Gottes Wort ja fa-  
 ren lassen / vnd annemen des Bapsts  
 thandt.

A ij Gut

Gut fride woln sie machen / Vnd  
eynigkeyt im Land / Woln also hel-  
ffen der Sachen / Bis ein Concilium  
werd erkandt / Eyn INTERIM haben  
sie dar gestellt / Die Christen zu vorfü-  
ren / dem Teuffel dis wolgefelth.

Etzlich habens angenommen /  
Dempffen die reyne lehr / Es bringt  
jn keynen frummen / Gottes gericht  
wirt jnen zu schwer / Papst Keyfers  
gunst wirt helfen nicht / Wann sie  
werden anschawen / Das Göttliche  
ernste Gericht.

Interim du magst wol bleyben /  
wo du bist ausgeflogen / Du kanst ja  
nicht vortreyben / Den Edlen Gottes  
Son / Er sitzt so hoch vnd lachtet  
dein / das du jm wilt vorfüren / seyn  
armes heuffelein.

Deyn list thut er auffdecken / auch  
deynen falschen scheyn / Vnd lest ja  
nicht erschrecken / sein armes heuffe-  
leyn / hört jr gebet vnd gibet jn mit  
Interim / hastu verlorn / falsche sache  
wirt nimmehr gut. Wehr

412

Wer dem vnglück wil empflihen /  
der mus gerüstet sein / Las sich ja nit  
verfüren / den schönen falschē schein /  
Es ist die Brandt von Babilon / mit  
giffit wil sie vns trencken / wie sie vors  
mals hat gethan.

Interim du thust dich schmücken /  
vnd bist doch gewels vol / Ich halt  
dich krawet der rücke / Wann ichs sa  
gen sol / Du wirst anrichtē alles leid /  
Vnglück wirstu erregen / Man kent  
dich weith vnd breit.

Solt vnser Seel verderben wir nes  
men dich nicht an / Viel lieber woln  
wir sterben / Papst Keyser faren lan /  
Vnd bleyben bey dem reinen wort /  
Das vns Christus lest leuchten / vom  
Teuffel seint wider kart.

Doch ist bey euch vnuorborgen /  
Die reine rechte lehr / Darumb dürffte  
ir nicht sorgen / Es gelinget euch  
nimmer mehr / weil ir denn Papst  
vorfechten thut / must ewiglich ley  
den / mit jm in der Dellen gluth.

Gantz listig vnd behende / Ist es  
gefangen an / So gar an manchem  
ende / Ist betrogen der arme man /  
Man meint es gelte den Fürsten alley  
ne / Itz thun sich selbst vorrathen /  
Das Interim besaget feyn.

Vnd wem es hat gegolten / Wirt  
itzund offenbar / Dañ disß wort schü  
tzen wolten / Auch der gantzen Chri  
stenschar / Das Interim brengets itzt  
an das licht / Sein gnugsam zuuertrey  
ben / die Lehr zu letzt leyden nicht.

**DEIN** Gott dich zu vns kehre /  
Vnd hilff vns aus dieser noth / Zu lo  
be deynen ehren / Du bist eyn trewer  
Gott / auch hilff den Fürsten besten  
dig seyn / Die noch ja seind gebly  
ben / Bey deynem worte reyn.

Wir seyndt ja aus geschrytten / Vñ  
haben sündt gethan / Darumb wir  
hertzlich bitten / Wolst vns nicht ent  
gelten lan / Vorgib vns vnser missethat /  
Das wir bey Christo bleyben /  
Das gib vns durch dein gnad.

Interim

**INTERIM** hab ich gesungē  
 Interim zu dieser frist / Interim wirt  
 Christus kommen / Interim für der  
 thür ist / Interim müssen sie zu boden  
 gahn / Interim die Christē schreyen /  
 Interim sie bleyben stan.

**INTERIM** wirt man hören /  
 Von kriegē grosse streych / Interim  
 wirt sich entbörē / Der gemeyne man  
 im Reych / Interim leydet die Chris  
 tenbeyt / Interim wirt Christus kom  
 men / zu erlösen von allem leyd / Amen.